

# UGOVOR O AKADEMSKOJ, NAUČNOJ I POSLOVNO-TEHNIČKOJ SARADNJI

zaključen dana 07.02.2018. godine,  
između

1. **Visokoškolske ustanove Evropski univerzitet „Kallos“ Tuzla**, sa sjedištem u Tuzli, u ul. Maršala Tita broj 2A i 2B, čiji je zastupnik v.d. rektor Akademik prof. dr. Nedeljko Stanković, s jedne strane ( u daljem tekstu: Univerzitet) i
2. **Privatna zdravstvena ustanova Ginekološka poliklinika "KORAK DO ŽIVOTA" Tuzla**, sa sjedištem u Tuzli, ul.Prve inženjerske brigade bb., čiji je zastupnik direktor dr Suada Tinjić, s druge strane (u daljem tekstu: PZU Ginekološka poliklinika "KORAK DO ŽIVOTA" Tuzla).

## Član 1.

Ugovor je zaključen s ciljem međusobne saradnje dvije ustanove u budućem procesu obrazovanja, naučno-istraživačkog rada i drugih poslova u okviru registrovane djelatnosti.

## Član 2.

Ugovorne strane će nastojati da razvijaju međusobne veze prema principima zajedničke koristi, opšteg društvenog interesa, te zajedničke komplementarne djelatnosti visokog obrazovanja.

Ugovorne strane će uložiti najveće i iskrene napore da se ovaj ugovor realizuje na akademskom nivou.

## Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. Podsticanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata i
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

## Član 4.

Područje saradnje će uključivati bilo koje akademske i druge naučne odnose, stručne programe koji su akreditovani i registrovani u bilo kojoj od ustanova u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

Univerzitet je odgovoran za akreditaciju fakulteta u zemlji i inostranstvu. PZU Ginekološka poliklinika "KORAK DO ŽIVOTA" Tuzla može pomagati u tom procesu, ali odgovornost je isključivo na Univerzitetu.

#### **Član 5.**

Ugovorne strane obostrano izjavljuju da će PZU Ginekološka poliklinika "KORAK DO ŽIVOTA" Tuzla omogućiti obavljanje stručne prakse:

- 1.) za studente Fakulteta zdravstvenih nauka Univerziteta, i
- 2.) za studente Medicinskog fakulteta Univerziteta

#### **Član 6.**

Stručna praksa studenata u PZU Ginekološka poliklinika "KORAK DO ŽIVOTA" Tuzla obavljaće se po utvrđenom nastavnom planu i programu na I, II i III ciklusa studija Fakulteta zdravstvenih nauka i Medicinskog fakulteta Univerziteta.

#### **Član 7.**

Univerzitet će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse i dostaviti PZU Ginekološka poliklinika "KORAK DO ŽIVOTA" Tuzla spiskove studenata.

PZU Ginekološka poliklinika "KORAK DO ŽIVOTA" Tuzla će studentima Univerziteta obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i sprovođenje mjera zaštite na radu i zaštite od požara prema važećim propisima.

#### **Član 8.**

Univerzitet je obavezan osigurati da svi studenti prije obavljanja stručne prakse izvrše obaveznu sanitarnu obradu i dostaviti o tome dokaz PZU Ginekološka poliklinika "KORAK DO ŽIVOTA" Tuzla (sanitarna knjižica), te da imaju čiste uniforme i čistu obuću za vrijeme obavljanja stručne prakse u JZNU Dom zdravlja Tuzla.

PZU Ginekološka poliklinika "KORAK DO ŽIVOTA" Tuzla će studente Univerziteta blagovremeno, na primjeren način, upoznati sa propisanim kućnim redom.

#### **Član 9.**

Ukoliko je nastavnim planom i programom predviđeno da studenti dio stručne prakse provode u zoni jonizirajućeg zračenja, Univerzitet je obavezan osigurati da svi studenti obave prethodni zdravstveni pregled, saglasno Pravilniku o zdravstvenom nadzoru lica profesionalno izloženih jonizirajućem zračenju („Službeni glasnik Bosne i Hercegovine“, broj: 68/15).

#### **Član 10.**

Mentora stručne prakse određuje PZU Ginekološka poliklinika "KORAK DO ŽIVOTA" Tuzla.

#### **Član 11.**

Univerzitet se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema opremi PZU Ginekološka poliklinika "KORAK DO ŽIVOTA" Tuzla ponašaju sa pažnjom dobrog domaćina.

Univerzitet je odgovoran za svaku štetu koju njegovi studenti pričine PZU Ginekološka poliklinika "KORAK DO ŽIVOTA" Tuzla u toku obavljanja stručne prakse u prostorijama JZNU Dom zdravlja Tuzla.

Univerzitet je obavezan osigurati studente za slučaj povrede u toku obavljanja stručne prakse u prostorijama PZU Ginekološka poliklinika "KORAK DO ŽIVOTA" Tuzla

#### **Član 12.**

Ugovorne strane su se sporazumjele da će Univerzitet PZU Ginekološka poliklinika "KORAK DO ŽIVOTA" Tuzla, na ime korištenja opreme, sredstava za rad, potrošnog materijala kao i ostalih materijala neophodnih za kvalitetno obavljanje stručne prakse, plaćati naknadu u iznosu od 200,00 KM + PDV po studentu za stručnu praksu u trajanju od 30 dana, odnosno 100,00 KM + PDV po studentu za stručnu praksu u trajanju od 15 dana.

Naknadu iz stava 1. ovog člana Univerzitet će plaćati prije početka obavljanja prakse, a na osnovu fakture koju će PZU Ginekološka poliklinika "KORAK DO ŽIVOTA" Tuzla ispostaviti prema spisku studenata dostavljenom od strane Univerziteta u skladu sa članom 7. stav 1. ovog Ugovora.

#### **Član 13.**

Ovaj Ugovor se zaključuje na neodređeno vrijeme, s tim da PZU Ginekološka poliklinika "KORAK DO ŽIVOTA" Tuzla zadržava pravo da prije početka svake akademske godine zahtjeva korekciju visine nakande iz člana 12. stav 1. ovog Ugovora ukoliko dođe do objektivnog povećanja troškova PZU Ginekološka poliklinika "KORAK DO ŽIVOTA" Tuzla u vezi sa obavljanjem stručne prakse, te da otkáže ugovor ukoliko Univerzitet ne uvaži takav zahtjev.

Ugovorne strane će stvarati uslove da se ovaj Ugovor održi na snazi najmanje dok traje ciklus školovanja jedne generacije studenata – 6 godina i neće ga otkazivati u tom roku, ukoliko druga strana ispunjava sve svoje obaveze.

U periodu važenja Ugovora svaka ugovorna strana ima pravo isti otkazati, ukoliko druga ugovorna strana ne ispunjava svoje ugovorne obaveze ili ukoliko nastupe druge okolnosti zbog kojih bi bilo opravdano otkazati Ugovor, uz obavezu da o namjeri otkazivanja pismenim putem obavijesti drugu ugovornu stranu najkasnije 30 dana prije dana s kojim namjerava otkazati Ugovor.

Ugovorna strana koja je pretrpjela štetu zbog neispunjenja obaveze druge ugovorne strane ima pravo na naknadu štete.

#### **Član 14.**

Ovaj Ugovor nije, niti se može smatrati, ugovorom iz člana 22. stav 1. Pravilnika o uvjetima koje moraju ispunjavati bolnice za dodjelu naziva univerzitetska bolnica („Službene novine Federacije Bosne i Hercegovine“, broj: 85/12), a u vezi sa članom 104. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13).

#### **Član 15.**

Ovaj Ugovor je zaključen u četiri (4) istovjetna primjerka, od kojih svaka ugovorna strana zadržava po dva (2) primjerka.

**Član 16.**

Ugovorne strane će eventualne sporove rješavati sporazumno, a ukoliko to ne bude moguće, za rješavanje takvih sporova biće nadležan Općinski sud u Tuzli.

**Član 17.**

Ovaj Ugovor stupa na pravnu snagu danom obostranog potpisivanja.

Za Univerzitet  
V. D. REKTOR  
Akademik prof. dr. Nedeljko Stanković



Broj: 40-1/2018  
Tuzla, 07.02.2018. godine

Za PZU Ginekološka poliklinika  
"KORAK DO ŽIVOTA" Tuzla  
DIREKTOR  
Dr Suada Tinjić

Handwritten signature of Dr. Suada Tinjić in black ink.



Broj: 0702  
Tuzla, 07.02.2018. godine